

Frå:

Ostereidet bygdelag, Samarbeidsgruppa for Osterhallen og Eikanger idrettslag

Til:

Gruppeleiarar og formannskapsmedlemmer i Alver kommune

Innspel til arbeidet med økonomiplan for Alver kommune 2021 - 2024

Ostereidet bygdelag, Samarbeidsgruppa for Osterhallen og Eikanger idrettslag ber om at kommunestyret i Alver klarar å laga til eit budsjett som vidarefører dei planlagde og viktige investeringane som fleirtalskoalisjonen føreslo i fjor, og som vart vedteke i kommunestyret i Alver den 19. desember 2019 i sak 059/2019. Ein vil vise til at alle partia røysta for å ha med desse prosjekta i investeringsplanen i økonomiplanen, sjå tabell nedunder frå i fjor:

	BRUTTO INVESTERINGAR – endring investeringar	Prosjekt- kostnad	Budsjett 2020	Budsjett 2021	Budsjett 2022	Budsjett 2023	Sum 2020-2023	Etter øk.plan perioden
7	Ny Eikanger skule	115 000	1 000		3 000	30 000	34 000	81 000
8	Tomt Eikanger skule				6 000		6 000	
13	Utgreiing/ planlegging ungdomskule (Oppstart ungdomsskule Frekhaug)					30 000	30 000	281 250
18	Manger skule uteområdet		500				500	1 000
21	Veg/ infrastruktur Hall Ostereidet	25 000			25 000		25 000	
22	Hall Ostereidet	75 000	1 000	2 000	50 000	22 000	75 000	

Som de er kjent med er både Osterhallen og veg/ infrastruktur ned bakken frå senteret på Ostereidet svært viktig for at oppvekstområdet her på Ostereidet skal ha ein god framtid, og for at vårt lokalsenter skal kunna tilby like gode tenester for born og ungdom som andre lokalsentrar i Alver klarar. Me minnar om at bakken ned frå Ostereidet senter er særst farleg skuleveg og utløyser skuleskyss for nær alle elevane ved barne og ungdomsskulen på Ostereidet. Som rådmannen seier skal me oppfylle lovpålagte tilbod og funksjonar sjølv med kutt i budsjetta. Slik er det ikkje når ein må drive undervisning i bomberom som ikkje er tilpassa undervisning med manglande reinhald, rømmingsveggar og ventilasjon.

Me er kjent med at det er mange økonomiske utfordringar i Alver kommune for tida, og som me veit vil krevja mykje av dykk som bestemmer i kommunen. Det er likevel vår store og innstendige oppmoding til dykk om å klara å vidareføre både Osterhallen og nytt fortau ned bakken vår (trafikkisikringstiltak og rekkjefølgjekrav) no når økonomiplanen skal handsamast på nytt for perioden 2021 – 2024.

Reguleringsplanen for Ostereidet vil sannsynlegvis verta godkjent no i haust, og då er alt det planmessige også på plass!

Venleg helsing

Eikanger idrettslag

Samarbeidsgruppa for Osterhallen

Ostereidet bygdelag